

天一閣集

天一閣集卷之十五

四明范欽安卿 著

出京宿張氏四首

夜發金門道朝乘燕谷關風塵勞問訊曾是棄繻還
垂楊臨故里尊酒見情親可道陽關外相逢少故人
朋交零落盡萬里我重來無限綵袍意終朝未擬回
予向廬山去君仍易水栖尺書莫不寄風物使人迷
遠公墓

千古東林寺山荒雲不開可憐今夜月猶過虎溪來

上虞卽事

誰將一片石歷歷頌循良
安知後來者不似昔龔黃
春懷

嶺外音書滯空然望蚤春江
舡日日至不見故鄉人

府江中作

客路愁中盡鄉心病後多
厭看雙白鳥相逐下煙波
登拱極樓

驛路接長安山川盤百粵
日出野煙銷蒼然見雙闕
東歸次錢唐先寄弟

月落天將曙風高浪欲層
夜來春草夢先已度西陵

寄華主事

泯泯清湘水東無江漢長何因將短棹相送下潯陽

越王臺

蒼山臨古岸上有千尺臺臺下水自去臺中人不來

逢俠者

不慕千金賞能輕萬戶侯平生肝膽在落落向誰投

荔枝畫

霜日枝盤翠炎天實綴紅何時驅驛騎還許到深宮

鷄雛畫

春草過芳洲群遊競嫋嫋留取軀力強叫破天閨曉

迎轍十景

龍泉

潮汲龍泉中夕卧龍泉上颯颯風雨聲不見龍來往

鷺嶺

危嶺正當門只尺風景異嶺上赤日懸嶺下雷雨至

漁歌

新水長百尺郊扉四面開不知雲樹裏時有棹歌來

樵語

上山采芝朮下山訪隱淪人間新甲子那復似西秦

城鼓

孤城草閣連麗樵遙相向無勞輕風吹宛轉到枕上

禪鍾

鷄犬聞空林下關武陵水恰聞亭午鐘知在白雲裏

市煙

山市日夕暝濁醪常相親爲問馳驅者誰醒人

谿月

天空淨如練引領舒長嘯月從何地來流影懷中照

松聲

幽居人事稀雲卧先昏曉何處風濤湧半在深林杪

苔色

經年嬾出門南山朝白石不妨階下路時有麋鹿跡

清風嶺望會城口占四首

窈窕清風嶺，英聲千古留。
寄言道傍客，肯覺能無羞。
天迴海日盤，地迫煙霜古。
可將百年人，默默等塵土。
幾年豫章遊，移節向閩海。
短髮漸蕭疎，寸心諒不改。
蒼蒼嶺霧開，隱隱闌城見。
冠蓋幾同遊，會識風霜面。

懷張參政子受

日夕浮雲馳，天長限有粵。
不見乘樵人，迢迢上瑤闕。

茶洋驛水亭

風日敞幽扉，火雲布平野。
爲問往來人，誰是悠悠者。

林村

我來訪桃源期與僊人接源深不可窮滿山飄紅葉

入莊三首

慣作山中客見山興便豪不覺青桐樹年來如許高
到門山色晚青苔布滿地山禽對面呼不解緣何事
茅堂三兩間結在懸崖上長日不見人白雲自來往

送詹地師二首

昨自姑胥來復向新都去炎雨閉空江舟行定何處
四極巨鰲蹲中開日月門欲窮章亥步先擬蹙崑崙

題畫三首

龜竇映霜林紫塞音書杳不分綺窓前朝朝坐啼鳥

連山高不極溪谷半人家皂帽何方客行吟泝落霞
木落空江出柴扉晝不開白雲如有意隨客小橋來
和沈嘉則五言絕二十首

避雨陵

聘駕嶠函間颯颯疑風雨但云觀者歆不知行者苦
穆天子

白雲塞天地八駿行遊間日暮瑤池上天風吹珮環
韓重荅紫玉歌

死日願從君片言天與直君能爲鷁鷁予能爲比翼
細腰宮

銷就

選頻年學細腰屬車不復御薄命可憐

高

漸離擊筑歌

變徵激悲風酬知一身是不顧壯士生但願壯士死

五大夫松

五松五大夫云是秦皇署歲久結精靈空山自來去

鴻門碎玉斗

鴻門高宴罷忿發搥玉斗草暗咸陽原祇見秦鹿走

漢臯解珮

神女來貽珮意態特容與妬殺陽臺人夢中作雲雨

武帝悼李夫人

鏡掩粧臺月香銷舞殿風何來窈窕影絕似夢魂中

九微燈

華燈映巧夕王母倏來臨空照可憐影不照可憐心

望鄉臺

願君君不察望鄉鄉可憐年年臺上月辛苦爲誰妍
相如滌器

揚揚犢鼻褌滌器何嗟惜夜擁如花姬朝作臨邛客
青塚

冢上草青青四望羅冰雪零落漢宮絃孤魂泣明月

農下琴

惟焦尾桐却從爨下得調成太古音一唱三歎息
白門柳

嫋娜白門柳青樓直其下高枝千層雲卑枝繫車馬
鄭櫻桃

宮燕語雕梁宮花開未央香風飄總帳那復數龍陽
習家池

花滿習家池醉來倒接離山公渾不解咲殺路傍兒
玉鏡臺

持妾合歡扇當君玉鏡臺低眉偷一覷信是老奴來
梁公博表

千門翠羽裘開手賭一擲等閒畀侍兒殿上齊失色

解語花

可憐解語花君王呼作妾只恐瓠期至飄搖似風葉

明妃四首

衍由明妃自請不當以悲言

詔下龍荒去陰山雪作花君恩深似海臨發賜琵琶
驕虜敢橫行天家積苦兵和親今屬妾頓覺一身輕
曠望蜚狐塞黃雲黯不開祇應天上月還似漢宮來
五月擁毳裘蘆河直北流何言漢飛將萬里欲封侯

支機石

天上交懽夕人間乞巧期殷勤語靈鵲莫遣渡河遲

長干行

問妾何方住長干是妾家門前烏樯樹歲久可藏鴉
春宮曲

晨起慵膏沐宮花黯淡開多情雙燕子穩去後春來

秋宮曲

又是嚴霜候芙蓉拂面紅從來憔悴慣不敢訴東風

山中二首

山人性愛山結屋山深處鹿如不恤人等閒自來去
亦是武陵溪桃花爛熳開劉郎如有意還許看花來

閣上

小閣湖中起空明絕四鄰數聲柔櫓響應是采蓮人
寄沈鳳峯叅伯

日日思故人故人不可見華亭一鶴來疑似故人面
九日

天一閣集卷之十六

四明范欽安卿一著

海橋草堂

地控金陵翳鳳門臨銀海垂虹煙花四時曉
萬里冥濛罷釣人歸夜月行歌烏領春風相如去時
題柱買臣還日乘驄

行及武陵值竹墟屠司馬先發悵念彌日至界
亭用韻即事四首

沅江東下幾日楚塞西馳萬盤瘴癘鄉中羈客蓬萊
闕下僊官

王程淒迷春草旅館撩亂晨炊夾轂煙塵不動滿天星月猶隨

桃川路岐易眩轂兩時節難晴深溪歷歷問渡好鳥時時勸耕

前村後村啼鳥千樹萬樹飛花獨客此時杯酒遙天何處人家

雨夜

華林山下風雨青草湖邊路蹊春老歸鴻盡比夜深倦鳥猶西

大石關

風霧遙連溟海河山曲抱長安槎向星橋上渡人疑
圖畫中看

初夏望春莊漫興四首

白鶴山前村逕青槐樹裏人家過客但尋舊社呼兒
旋煮新茶

草閣風生天上桃源水到人間避地心同北郭捲簾
卧對南山

久結煙霞爲侶漸呼鷄犬成群花徑幾番紅雨麥丘
一片黃雲

雨過壠頭梅熟冰來海上魚鮮濁酒止堪半爵高歌

天一閣集

不費一錢

天一閣集卷之十七

四明范欽安卿 著

北征歌十首

撓槍八月旦天門豺虎三邊扼朔雲天子臨軒親授
律列侯傳食遠從軍

天兵百萬陣雲高躍馬鳴弓殺氣豪即向白登擒冒
頓更從玄菟掃黃毛

酣戰天山白日黃前驅兢蹕左賢王笑分血水洗金
甲立斬頭顱報尚方

龍文重勒燕然石鐵騎窮搜青海灣萬馬不嘶中
素

轉六軍齊唱凱歌還

朔風萬里捲黃沙塞草蕭條白骨賒何處燕支最無
色胡奴中夜泣琵琶

喧天鼓吹羅兒女夾道旌旗擁虜俘虞階自受三苗
格魏絳虛專五利圖

百二山河指顧中能罷十萬殿前雄戰士未沾亡後
澤將軍休論陣前功

詔書百道競雲奔萬姓懽呼徹至尊玉璽萬年明漢
統黃圖九葉重湯孫

腫臃漢月盤中吐慘淡胡霜劍上收太平共戴王正

月歌管通宵樂五侯

受降城對西山轟神武門從北極開盡日千官搖珮
入袞衣天子坐蓬萊

送人游閩二首

星槎縹緲海雲間碧樹青峯處處攀一夜猿啼明月
裏不知已度武夷山

群峯壁立萬溪迴倚棹來登古釣臺轉眼忽迷歸處
所越人時唱竹枝來

少年行

青絲寶韁玉連錢騮馬翩翩俠少年但遣寸心然諾

在不辭萬里爲君前

荅從兄正卿二首

尺書珍重玉京來兩歲愁懷一日開
松菊故園荒落甚可無魂夢夜中回

當年同作探花遊世路浮沉各自頭
華月殷勤不相負夜深猶過水西樓

題畫

天青霜白萬林空綽約枝頭幾點紅
可是幽禽鮮相戀不隨凡品怨東風

經楊氏故居

畫閣雕臺入眼空
斷煙衰草領春風
孤舟此日經過地
四十年前一夢中

聖壽寺追憶王同野

黃橘丹楓野寺秋
畫橋深處纜行舟
同遊舊侶今安在
風落空江日夜流

七夕小集和東沙九首

翠屏銀燭影童童
佇見群僊駕彩虹
香嬋獸爐風正細
曲調鳳管夜初中

廣寒纖月拂雲開
忽有嬋娟奔影來
未羨珮環臨洛浦
虛疑雲雨夢陽臺

九天涼露滴疎桐七月流螢映水紅
靈女風飄吹玉珮不知身駐水晶宮

青鳥啣書西極來共傳王母下瑤臺
支機界破青天色眼見乘槎博望回

乞巧樓高遍九厘女郎感香競金蓮
玉簫寥亮風前度却笑嫦娥夜獨眠

大火西流暑漸平高城玉漏寂無聲
誰家砧杵初凌亂目斷關山萬里情

月落參橫玉宇秋微雲斜漢兩悠悠
可誰浪學臨邛客孤負才人賦白頭

九塞胡塵黯不開
彌天烽火入秋來
登壇授鉞尋常
見誰見尊前司馬才

去燕來鴻思不禁
淒涼人世幾浮沉
黃金白髮俱閒
事一夕懽娛百歲心

贈無錫華上舍

與君相見即相離
斜日輕帆江水湄
後夜不知何處
泊青山明月夢中思

元夕詞八首

彌天紫氣結瑤臺
火樹金蓮次第開
眩眼生花支不
得六鰲又駕海山來

千門燈月共婆娑管領香風散綺羅解道

聖明多樂事一時齊唱太平歌

誰家結客狹邪邊十二瓊樓高插天樓下停車樓上
醉不妨紅日照高眠

遊女錯錯闌艷粧當壚少婦更輕狂玉壺美酒玳珠
色不是知心不與嘗

合番笙歌擁絳紗吳歛越調總堪誇就中一曲飛龍
引傳得新腔自

帝家

到處分明不夜城六街半是蹋歌聲突驚寶馬來如

電未許傍人問姓名

錦屏曲曲護輕寒贏得煙花笑裏看擊罷綵球人盡
醉不知春色似長安

一架珠燈直萬錢鯨鱗羊角亦堪憐野人不解豪門
事石盃長懸草閣前

挽包廬之二首

草閣平臨古渡頭桃花無數映江流雨風一夜花無
賴江北江南總是愁

東湖湖上結新阡多少幽情託杜鵑日暮空山人不
見斷雲荒草自年年

口號酬霍大尹勉齋四首

一別江城歲又新
坐看梅蕊却傷神
東風不信渾無力
折罷還應寄遠人

林居懷舊思難裁
玦重魚槎江上來
笑我常懸違俗抱
憐君獨擅濟川才

古滁表裏控江淮
窈窕蒼山四面排
醉酒哦詩寧足論
直須聲蹟勒蒼崖

南征北伐檄紛紛

聖主臨軒佇策勲
金印從來如斗大
幾時重畀霍將軍

挽江陰張山人客死金陵

獵獵西風吹白楊
滿林猿鶴倍淒涼
可憐此夜秦淮月
猶伴遊魂返故鄉

分題王几山贈王郡侯鵬江四首

鬱葱嘉氣發天台
阿王山前玉几開
風物於今稱獨勝
山靈曾睹宰官來

草堂松磴白雲間
五馬行春歲幾還
滿地甘棠應不翦
何如玉帶鎮空山

傳說空王演法輪
山藏舍利歷千春
憑君欲問曹溪派
廣與高僧結淨因

極目亭前海不波喜沾德施沸謳歌山中碑石今多
少待與吾人次第磨

邱報同年曹東村吳望湖傳少巖三尚書樊西
田侍郎長逝二首

懷舊年來恨不醒一時爾輩又凋零天涯回首看花
地燕樹江雲共杳冥

把劍傳書事已非斷雲窮海淚沾衣何來簫瑟山陽
笛獨對西風送落暉

送吳山人遊太末二首

江門三月試春衣片鷁風輕去若飛來往富春應不

少幾人還上釣漁磯

青霞上與白雲齊
姑蔑墟邊春日西
社宇不知行客思
飛來只在馬前啼

送姚順之

薊門東下海天龍
潞水蕭蕭急暮流
惆悵故人何處是
淡煙籠月送孤舟

送舒伯明二首

擊劍酣歌膽氣豪
扁舟湖海恣遊遨
龜來又作中林別
霜落寒城片月高

空江木落思飄蕭
無那催人此夜潮
回首海門投足

地幾時乘興訪漁樵

少年行

千金調笑不言奢
貫酒新豐過落花
十二街頭春似海
馬蹄今夜落誰家

和沈嘉則七言絕二十首

湘妃竹

蒼梧雲影隔三湘
日暮啼猿急斷腸
淚洒竹痕收不盡
又隨流水下淞陽

秦王卷衣

何來小孺入秦宮
霧縠霞綃一夕空
簾捲水晶深貯

月香飄
龍麝細含風

王試劒石

吳王寶
劒鬱成虹
斫石爭看霸氣雄
何物鐫鏤成賜
後冷雨
荒草滿空宮

帝斬蛇劍

爭傳
帝斬蛇符揮霍當年膽氣籠
武庫忽飛神母
杳蒼涼
澤逕血模糊

佩蘭出爲段孺妻

常隨
珮奉宸懽花月深宮獨夜寒
忽拜新恩從外
走漫將
薄命論邯鄲

探丸

早時結客少年場
昨更雄心日未央
纔見探丸經細柳
又聞飛騎薄長楊

藏鉤

曉日粧成擁絳紗
藏鉤不識落誰家
偶然意得騰龍
咲驚起流鶯過別花

蹴鞠

連翩游俠醉新豐
蹴鞠當場體態同
紅粉一時俱失
咲就中誰是五陵雄

鞦韆

彩架朱繩出半天
湘裙洛襪鬪嬋娟
冰肌半露香風軟
惱殺牆頭美少年

春日獨當壚

胡姬春日炫明粧
酒汎蒲萄喚客嘗
壚上數錢壚下醉
玉箸吹罷斷人腸

七寶避風臺

漢家飛燕寵誰同
七寶臺成好避風
不識嫦娥何意態
長年深駐廣寒宮

薛夜來

朝朝選妓鄴宮開
新得名姬號夜來
暗結同心猶未

就却聞催喚詣叢臺

清夜遊西園

弭蓋西園暑氣微
芙蓉香澹襲人衣
酒酣辭客爭攄賦
露濕高城烏亂啼

愛妾換馬

五花寶馬直千金
較妾恩情誰淺深
今日遽成揮袂去
碧雲寒月照孤心

埭蓮女

門前綠水繞橫塘
蓮葉蓮花鬪艷粧
日上波搖催蕩槳
驚鷗飛出兩鴛鴦

若耶溪

細柳濃花春滿溪
畫舫遊女唱歌低
春風不鎖繁華夢
散作香塵撲馬蹄

宮蚕

條桑繰繭敢論疲
織得龍綃獻玉墀
爲問六宮諸女伴
幾人能不妬蛾眉

北風吹裙帶

宵闌露下漏聲稀
簾捲涼風吹滿衣
片月迎人深下拜
碧天如水鵲南飛

燕姬墮馬

天一角集 卷二十七
內家粧束曳明璫馬上琵琶奏幾行贏得路人齊拍手翻身香汗逐風揚

春閨怨

深閨香霧畫冥濛紫燕黃鸝各一叢階面海棠花又發嬾將心緒訴東風

送人還吳二首

窈窕吳門白馬懸客心時對落花前東風一夜催行色漂泊空江何處舡

江春沙草鬱萋萋古樹斜陽杜宇啼當日交游幾人在思心遙逐片帆西

遊覽詩十首贈余子浙傳 淮藩十首

僊帆西去暑氛開
天姥諸峯掌上迴
倒指洛迦山海路
蓮花頂上坐如來

稽山高踞白雲飛
漢祀秦封事已非
珎重禹功留窆石
萬年香火禮庭扉

怒潮挾海撼錢唐
中有弄潮白面郎
無那忠魂招不得
滿江漁唱起斜陽

客星臺下水湯湯
管領行人下上航
當日釣絲能在否
從誰結束奉君王

家隣古廟偃王鄉
過客椒蘭歲幾將
莫問爛柯山下

局誤他人世閱滄桑

懷玉中盤北斗環僊靈縹緲白雲間青天劈破芙蓉色祇見蒼龍駕雨還

龍虎盤挐擁上清玉床金檻識分明白虹倒掛三千丈知在金鰲頂上行

淮南桂樹日婆娑鷄犬丹成近若何邂逅八公憑寄語明山瑤草向來多

天都懸絕瀑成雷次第群僊上壽杯他日麻姑傳釀法槭書肯報海東來

鄴臺梁苑數當年詞客翩翩氣欲僊何似今王能設

醴酬知重奏國風篇

送人還吳

話歸莫計太湖程
帆掛東風一葉輕
滿地交游零落甚
可誰重問故人名

它山展謁即事

古廟香燈晝日懸
祈靈士女競翩翩
蒼雲不逐流波逝
管領瑤華下九天

庚戌龜僭王同野
袁池南陳它石史
西泉行遊至蕙江
觴詠甚適迨壬午
載過諸子化爲異
物遡念往昔悵嘆
彌襟

一閣集卷之十一
薄白霜清兩岸楓放歌鼓世坐中流飛揚故態從誰
問滿地丹楓照白頭

聖壽寺小僧

沙彌說法是南宗禮罷空王起暮鐘欲問人天何處
着半鈎寒月掛長松

貽呈上人二首

梵宮懸架萬峯間朗月疎雲忽往還揮手出門渾不
語曾無玉帶鎮空山

既徑千盤得化城老僧趺坐覺無生本來欲証菩提

翠碧來蒼山無限情

挽李徵君春亭二首

名高月旦想風標何事英魂不可招
白馬青芻堪一薦滿山松檜日蕭蕭

塵世茫茫嘆陸沉臨風誰復痛人琴
祇應太白峯頭月照見泉臺獨夜心

史相墓四首

荒山濁霧畫冥冥無數鼯狐窟墓庭
過客停輶仍悵望六陵遺路寄冬青

間關百討屬身圖廢置君王掌上雛
已去游魂胡不滅猶將家事囑諸奴

鄴郊疑冢紛難定沙塞幽陵渺莫尋盜發此中無片
骨誰家千古較同心

碑趺傳說鎮金丸別寶波斯作意看攢木夜燒成白
晝萬山霹靂一聲寒

新月詞十首奉和東沙

萬籟沉沉玉宇秋等閑斜日掛城頭不教危樹驚烏
鵲會見靈槎上斗牛

舞榭歌臺大道邊月華如水淨連天風流莫用千金
買戚里侯門更可憐

北斗微茫隔漢津風催南下鴈聲頻漢宮今夜寒多

少爲問當年侍寢人

閣上銀河影倒流玉階露下月如鉤長門咫尺昭陽殿獨照嬋娟此夜愁

隴頭流水急湯湯隴下鳴笳愁斷腸白髮何人青海戍王門關外月如霜

露滿空城月滿林深閨蕭瑟鴈書沉錦衾嬾褰年年恨玉筯頻揮夜夜心

百道飛符夜入關共傳胡虜度陰山可憐一片長城月照見沙場戰馬還

盡角淒清伴玉霜中天星斗漸低昂廣寒不管繁華

夢江北江南戰場

黃塵紫塞倦遨遊
半世虛名兩鬢秋
寂莫高堂人去後
月華西墮水東流

高城漠漠露淒淒
獨樹空庭烏亂啼
悵望玉人何處賦
心隨寒影過湖西

天一閣集卷之十八

四明范欽安卿 著

贈大叅孫槐溪序

惟我郡越在東南巨海外環夷寇憑陵歲用爲患
我槐溪公昔守茲土靜正毅明剛大廉敏道化閭
閻憚去有遺思我

皇軫念元元命由楚臬改董海防開府仍當我郡我
士民懽慶若初旣浹歲掄師練士繕城列艦峙糧
飭械布謀懸間衆咨而獨斷水戰而野守威行海
陬晰乎光明適我藩叅知缺宰臣以聞我

皇特用公補聞者咸喁喁言或曰海島夷藪鉤連內地乘風鼓舶往來靡恒我郡首嬰其衝宸闕帶廣引吳翼楚茲小郡不足恤寧不爲他慮乎或曰困以時拯化以久漸令凶醜宵遁馬牛放野瘡痍甫起流民漸歸庶幾望有歲年乃令孱子失母旱農歎望乎茲行也我實恫之范子曰皆非也慮者之言遠而靡衷恫者之言急而寡要斯亦拘虛而昧通方之論試論我浙藩諸省效政列郡尸化其選重矣控扼蠻夷屏衛京圻其區要矣輕揚寡特靡誕成風其尚鄙矣趨鶩末作耻緣南畝其力惰矣

歲輸百萬遙給京師其財殫矣故非剛大不足以
任重非明毅不足以握要非靜正不足以祛鄙非
敏不足以起懦非廉不足以阜財此數者公之所
兼擅而時出者也望洽則寄隆才鉅則畀厚造化
以栽培篤物哲后以勸相官人道一而已或曰
皇上方奮怒南征任使越格公誠才賢提督巡撫諸
任何施不可而顧僅僅若此耶范子曰外內一體
緩急異施故救民所以彌盜儲財所以畜兵寇攘
侵奪所在轉徙脅從者流頗爲敵用循而不改其
勢必至於外擣客兵四聚坐食縣官供億不支徵

發蠟集靡有脫駕之期其勢必至於內潰故善治者休養生息將以救民開導樸節將以畜兵審機酌勢非苟然者夫救盜而不先救民是欲伐病而不知養元也畜兵而不先儲財是欲枝茂而不知樹幹也亦異乎吾所聞矣在昔漢代信越徵兵而餽餉界何彭異却敵而拊循屬禹斯蓋籌於內外緩急之宜者也假令公握重權都巨鎮財不適用民不附上欲以培植化原削平外患難矣用公者安能釋此就被爲深長圖乎或者唯唯會吾邑夏侯徵言于范子具以是述夏侯曰吾今乃知公之

行誡

皇上簡畀之專宰臣薦進之公也遂書以爲序

贈毛大尹遷台郡丞序

昔人有言時平則資經術之士世亂則用介冑之
夫嗟乎彼誠判文武爲兩途也豈其然哉古者寓
兵於農寓卿於將平生握竒抱璞悛悛若處子至
運籌發策或涉歷戎行咸奏膚功由夙養完粹其
出無方詩曰赳赳武夫公侯腹心深哉其言之也
後世儒者長視濶步抵掌今古靡究短長之故武
人亦習紈綺庸鄙偷情罔效寸尺此以彼爲俗夫

彼以此爲腐儒二者交譏而治理謬戾甚矣嗟乎
是豈先王立教與任人初意哉鍾陵毛侯起家明
經年三十餘令象山象山當東南海隅隣比島夷
無城廓之守兵衛之防寇賊剽掠無寧月往宰者
率稱疾或失職罷免侯下車俄報寇至毅然治戰
具焚香籲天與家人訣曰吾奉

明命撫罷民誓戮力滅此賊即不諱汝輩善自裁無
辱乃戎服躍馬率先督戰設伏置奇與賊數十合
大衄遁去於是延父老部分諸子弟守要害觀變
摘角始城石城立三水寨峙糧造舟晝夜戍守而

又拊循勞來泣奠死事者重恤其後民感激赴戰
無不一當百賊相戒曰寧拉虎頭無犯毛侯風聲
四振象山自是靖謐者七年范子曰余於毛侯而
傷臣職之墮也語曰雖忠不烈視死如歸乃人聞
寇至率奉身鼠竄曰衆寡不倫坐視其民魚肉糜
爛而莫之省憂掠取他功以圖掩覆偃然不疑由
之弁髦其君不難矣斯可謂忠邪烈邪封疆之臣
死封疆邪侯被服儒生非將種也位不過縣令地
不滿百里非有連帥元戎之寄大都重鎮之憑也
惟智勇無資義憤激發外捍巨寇內衛孤城卒使

東南諸郡倚以爲重彼所謂文武吉甫非邪余於是安得不傷臣職之隳也夫侯奕奕如是即使躡躡通顯風厲人人要非溢分而乃僅丞台郡豈所謂功高者不賞盛名者難居耶嗟乎小者巨之占也遠者邇之囿也台爲兩浙咽喉披山帶海首當寇衝往歲黃巖失守矣瘡痍未起今僊居又在告矣

主上重憫蒼生亟圖填撫環視諸彥宜莫如侯故寧屈畀此官竊從侯僚二華譚侯見之譚侯忠信毅敏往司留曹捍寇功與侯埒顧先主爲太守責在

協心廊清大憝乃知遷汲黜於淮陽徙望之於三
輔古今意見畧同况他日由小陟巨從遠移邇茲
當發軔耶侯往矣試質諸譚侯當以余言爲不佞
云

贈大叅王方湖序

方湖公以膚功由浙藩副憲轉大叅伯吾邑令夏
子儒俾其稍譔述矣象山令王子廂復以是請予
復何言憶日者王子嘗謂予曰方今倭寇充斥民
罔奠居惟是防禦驅勒巨細畢具咸需于民民罔
或堪而有司者實難之若之何攘寇以安民乎則

應之曰保民王子曰勞民以攘寇也保民其曷以
攘之寇之弗攘而民之安焉者寡矣予曰子曷視
諸醫乎夫人之疾也邪沴之侵蝕也元氣之耗蠹
也善醫者固亟于攻去而尤以培養真元爲本乃
第其標本之緩急而施之則氣日以充而邪日以
去不善醫者反是夫民猶元氣也寇猶邪沴也不
度寇之緩急而一于勞民以攘寇則民日以困而
寇日以熾是故書無逸曰即康功田功立政曰率
惟敕功蓋專意于安養元元者文王之功而武王
則率循之而已以是知用兵在辨內外審強弱辨

內外則不遠驚以爭利審強弱則不狃常以圖安
循是以往殆庶幾矣今日之事亦惟先撫綏而后
撻伐則可王子不以予言爲非乃唯而去未幾方
湖王公以臺憲奉

璽書來視事海上即諭所司省無經之費罷不急之
役緩歲征之賦卹瘡痍之氓勞未安定輯綏撫柔
惟日兢兢而選才將汰冗兵練勁卒治戎器據阨
守塞峻斥嚴堠遵海巡省東南轍環若流于是官
樂于民安民忘于寇攘寇弭于兵振兵舒食足若
公者誠得于救功保民之道不啻醫者之善攻其

疾也既乃以績聞

上用褒加留公今日視事海上如初公遜膚感激彌
用振耀時舟山逋寇據險爲患師出屢無功公督
勵諸將一鼓而殲無孑遺聲威赫奕橫布海甸

上重嘉之命銓司議擢將旦夕至矣王子復過予曰
子前日之言甚周不敢謂非然寇賊孔熾民方百
倍其輸而有司推徵期會百執事奔走晝夜額乃
欲舍而圖所謂保民者不旣難乎乃今方湖王公
行之有徵效焉有司百執事皆幸蒙成于公而廂
之庸猥亦得以與民共享安攘之休者夫上有偉

政則下有未思而甘棠之愛緇衣之宜此其惟安
者也公之教功施于民而民莫能忘謳歌四起所
以備采風者無間廂忝在下吏受約束先于民受
德教先於民敢不奉揚仁風圖以自淑且淑民乎
予曰某不佞亦嘗受教于君子矣王子復唯而退
茲因其請遂追叙而歸之予行矣入覲有日荷清
問之及當備陳之將以副諸太史太常者

贈丘次臯移衢郡序

次臯丘公守吾郡之明年俄移衢郡維時公道化
融暢室家胥慶既聞報相顧驚詫噦噦廼吾邑夏

侯過予曰吾見公之蒞時也舉綱維畧苛細先勞
來後刑罰綏民以恕提民以嚴接士大夫以禮遇
僚屬以恩質任不飾芳譽已起謂旦夕且崇陟乃
有茲行乎曰侯知治吾不知其治溫郡也修廢振
墜四民樂業庭無淹獄海無逋寇蓋朞年而政舉
二年而化行值憂去老稚遮留莫能得至有泣下
者非賢而何曰吾既有聞矣曰侯聞治溫不知其
司戶曹也督輸江右殆數十萬計悉心䟽理不亟
不徐民用不懟而賦入倍昔一時以幹理稱最蓋
予所親覩已而監餉大率同是斯又賢已夫公之

司戶曹如彼守溫又如此以一人之身而先後頓
異宜哉嘻予知之矣公甫下車會倭寇侵軼城故
傾圯且瀕海識者業已憂之公毅然任修築一二
敝民偶有譁言近寇薄城始議拒守人又誦公之
明追誦作俑斯可與樂成而難與慮始非耶夫仲
尼子產世之所謂聖賢也方仕魯鄭怨謗蜩興人
將得而甘心迨其久也章甫袞衣之頌誰其嗣之
之歌交口無間皆昔日所欲甘心之人使乘其怨
謗亟使去位則聖賢之心不白而澤靡不究以是
定論難矣故政理以久而備人心以久而服毀譽

以久而明舉措以久而當上下古今誰能易之當事者以民諱處公安知他日不以民頌舉公乎君子不矯情以要譽不援是以自明道張而張道弛而弛審幾運變人莫能與公誦法孔子尚友子產宜乎聞之矍然而興睟然而懌恍然而若有所忘彼以脫危就安釋勞即佚爲言淺乎知公矣夏侯曰子知公哉吾將質諸

贈郡侯張巽峯考績序

夫太守民之師帥古所稱二千石與天子承流宣化故舉其官爲難官而當劇地尤難夫以列邑統

于一郡萬姓寄于一人縷分鉤結百責攸萃是故
土田繇賦之欲稽也生齒貨財之欲阜也訊刺法
比之欲平也簿書章程之欲飭也禮樂教化之欲
敦也邪慝攘竊之欲詰也獨孤寡之欲綏也上之
欲其無凌下之欲其無易也即有博大之才強立
之志發謀展采鮮不謂難而況地當海徼化理壅
閼內之奸蠹依憑外之夷寇侵軼故亟則速禍而
緩則養亂寬則召侮而猛則致怨如吾寧者不猶
難乎夫投刃而鉅銛者以游神也張機而括應者
以審度也故端則樹坊非正不軌移風易俗非肅

不齊摘奸蒐慝非明不晰恤窮拯溺非仁不周導
利祛害非敏不達振墜起廢非勤不集休養生息
非靜不和交承事使非禮不秩合此衆善以臨夫
郡猶之庖馬刃惟不投投則無弗利矣猶之射焉
機惟不張張則無弗中矣乃巽峯張公之守吾郡
也則見其鑒觀往昔洞察民隱朝作晏息以身爲
型屏請謁之門杜餽遺之徑正外內之體嚴吏胥
之防裁貴勢之橫甦困窮之厄綱紀法度斬焉一
新已又平賦役釋寃滯公讞斷慎出納遠邪佞進
善良崇禮教後刑罰修城以衛民簡兵以禦寇察

伏愿以防禍斥黜帥以折萌用能政理烝化行
美和於上下神祇民無災害時所稱難者公乃裕
如謂之衆善所臻非耶茲將如例奏績于是官師
士民轉相告語惟恐不得留公爲懼夫騏驎之足
追風軼電以能輕千里也故近都不足以騁其力
豫章之木干宵蔽日以能柱明堂也故卑室不足
以盡其材夫公譬則騏驎豫章也天下譬則千里
明堂也吾郡則固近都卑室之具耳故鉅裁不可
以細應至藝不可以淺畀私之一方無寧公之天
下此賢哲呈身之槩而世主用人之經也以此留

公庸能留乎抑吾聞之君子重違其民哲后不拂其俗俗惟不拂所以教忠民惟不違所以廣慈在昔河內借寇漢治稱隆而晉秩增祿積伐超遷我朝熙典故在焉夫願假須臾蒙被汪穢者吾人慕義之忱也憫念海隅勉徇輿情者

聖主曠蕩之賜也公轍欲西能不爲吾人念乎於是王郡博珍方邑博充輩聞之謂予曰此固玠輩意也乃今知留公有地矣

楊右河侍御窓稿序

某需次京邑獲讀今巡臺楊公右河先生窓稿數

篇譬則嘗鼎一臠思睹全集未由比承乏河藩從
棘闈之役朝夕侍公時百執事楚糾左啓右白口
決手披無停宿既而某以程文請于公遜辭不獲
已乃據几濡毫抽思鑄言渾若天成蓋經書之文
凡十二篇而不百刻間蔚乎就已某間請於公奉
全集謀諸二三大夫文準是矣豫~~下~~之中五方
具瞻將不使學子挾一冊耶於是刻諸藩司夫敷
奏之制既遠至漢庶幾矣董賈策舉匡劉以經術
顯然各抒已見祖私說出入於正盤之間唐之詞
賦筌乎陋矣宋人長於理而篇踰尺度惟我

朝經義造士繩規罔敢越而奇詭自私者靡得奸焉
世代制文斯其難矣總總者材乎貴贍而不逸詵
詵者思乎貴助而不鬱井井者法乎貴適而不石
而洋洋者理一不範於理則雖脩此數者弗全也
某讀楊公文緣物稽典比類以合材摘微引賸協
氣以申思鎔古構方緣節以合法而探性命之原
振經史之秀博大綜貫演晰嚴正閎而肆淵而達
盎然於聖賢之旨斯臻文之妙歟某聞強以違則
悖導以嚮則從公之巡河洛也保緝太和煦同春
育繩發奸墨凜若飴霜河洛人士既信悅且服戴

之矣以此訓士有弗從乎夫士民之表也傳曰文章與時高下由此挽漓靡還返淳朴豈惟士爾也五方嚮之當自河洛始蓋二三大夫言之而某次第焉俾讀者識辭之意云

壽屠淑人六十序

余聞之曰妻道無成又曰無非無儀謂宜閨閫之軌靖焉止矣至誦說周詩可異焉其述君侯夫人大夫士之妻之懿洋洋聽聞嘆曰是何其貴而勤富而不侈群居而鮮妬動不踰閑若斯乎先王之教也端之於胎肆之以姆訓出入周防工容有度

蓋養其端繼一之性而防其險陂側媚之愆至動
懋也用能綱紀人倫章明婦則相夫子昌祚胤而
極於美風俗教化和品物動天地教之不可已矣
若是然則此固循其內治之職而彼無成無儀者
特安其貞靜之常適以相成而非相厲也邪嗟乎
意闕遠矣先王道衰流風日靡賢淑者世不槩見
何也君子蓋屢嘆之一日聞季子思治以文請曰
將以壽外母屠淑人屠淑人者大司馬竹墟
公之配也家世章年屆六十壽禮也因問淑人賢
乎曰歲時脩祀事躬視釧齊燔炙諸具精腍苾芬

敬承不怠神用休享報以介福曰斯采蘋之共也
日起居太夫人精五飯寡酒漿退而董治內政細
大畢興斤斤課飭無敢以晏佚自將曰斯葛覃之
勵也公服官中外奄歷四紀淑人黽勉同心佐以
敬切俾公夙夜在公洽有令問乃今嘯傲雲壑時
與故人高會靡厪內顧曰斯鷄鳴之誼也禮稱妾
御雖不專夕然以昌嗣續奉宗祏則待年者偕行
群聚者捐忿終溫且惠淑人以之曰斯小星之厚
也子生而父正教於外母正教於內故斷機者聖
丸熊者賢今子田仲種學樹行若不勝衣悛悛退

讓君子也義訓誦由來者漸曰斯麟趾之仁也合
是衆美而萃之身揆之先王之教殆若冥契即詩
人所稱何讓焉茲將昭彤管範女士淳曜當世聲
施方來於文也何有雖然金以範脩裾以括直桃
李不言下自成蹊言有本也物且然矣而况人乎
竹墟公以鴻學環才出際熙運一時目爲景星威
鳳自州正以至大卿所在建樹受鉞靖苗勲伐稱
最著若其出公而秉羔羊之節處而勵伐檀之行
正毅簡直前無古人其刑于家者蓋非聲音笑貌
與旦夕須也淑人誠賢當不感觴開橫之益是以

同德齊齡無彊惟慶若公者亦宜壽已聞季子曰
某不佞敢不如從史之教乃函鄙言加幣偕余長
子大冲並上南山之觴大冲亦淑人甥也

壽張朴菴八十序

范子曰余讀逸民傳至龐公以醇行雅操隱居弗
耀未嘗不掩卷太息想見其爲人彼所謂蟬蛻囂
埃之中自致寰區之外意蓋有所嗜也然上下二
百年可述者纔十餘人斯何其難與乃今觀於朴
菴張先生又何其大相類也先生性度高爽早攻
舉子業靡書不讀已乃棄去隱句章山中有司禮

辟輒不赴一日友人過謂之曰夫鳳產九苞應期則鳴驥志千里遇塗則騁方今聖人當陽寤寐賢哲孕毓則山川效靈旌揚則草澤獻贊彼其挾磊瑰之能赴三五之會亦欲展布平生光替昌時毋徒白首晡沒爾也先生學綜六藝辨析九流抱竒握瑜歷有歲年乃顧遁跡名山謝絕世事將同巢由洗耳夷齊采薇乎夫時者難得而易失名者難成而易毀壯夫不懷璧以賈罪志士不違俗以養高先生所蓄毋乃異乎先生曰唯唯否否君子炳於幾先而酌於時措夫蘭以薰蕕膏以明銷非人

之咎也曲木不翦童山不采非人之德也惟所託
何如耳子將使我爲蘭乎爲膏乎抑使我爲曲木
乎爲童山乎吾竊觀世之仕者睢盱於技藝之場
馳騖於聲利之塗目無停視耳無停聽手足無停
舉心無停慮一人之身日不暇給而又畏讒避譏
觸法抵禁惴惴若不能免其不爲嵇康笑者幾希
矣吾今屏絕外慕偃息壠畝時與田夫野老較陰
晴卜豐凶舉酒相勞嫗煦自如而又坐白石酌清
泉觀雲弄鳥彈琴命奕歌白雲之章誦樂志之篇
以天地爲芻狗萬物爲土苴古今爲瞬息吾身爲

委蛻冲然內適蓋不知年之將至彼富貴者桎梏
我者也聲華者塵垢我者也我顧逃之而敢即之
若夫李斯噬臍於東門主父畢命於五鼎斯又不
足言矣子欲使我爲蘭爲膏而不知曲木童山之
足恃乎友人避席而退范子聞之曰荀生有言志
意脩則驕富貴道義重則輕王公張先生蓋庶幾
矣乃今行年八十而志慮精明步履矯捷若少壯
然雖爲封君未嘗入城與配相敬如賓同德並壽
顧非龐公之徒與然龐公子山人爲黃門孫渙爲
群柯太守世以才行聞先生子堯年由進士官給

事歷任至方伯德位駸駸未艾孫兆芳輩又力志
科第斯皆所謂遺之以安者吾故曰大相類也識
鉅則不以外慕嬰心儲厚則不以易世改行神明
默相庸可量乎於是諸親黨相率稱觴爲壽先生
乃遍觴諸客盡歡而別

贈王憲副印東平倭序

浙江東濱瀚海倭奴出沒吾寧波寔當其衝比年
職貢曠闕鈔掠內地

皇上赫怒遣將督師所在飭備維時二華譚公巡海
以艱去清戎印東王公遂來攝事四境方靖謐一

日公檄兵往舟山衆不知所爲至則倭奴艤舟將
內向衆僇力盡殲乃已士氣颺奮居無何倭舟蔽
海分道入寇奉化象山定海諸邑長吏咸告急公
情神怡適若無所事事倭聞不爲意乃潛師從間
道分兵薄其營倭盛兵來博戰我兵且戰且却左
右伏起無不一當百倭踞而授首已又戰諸方門
戰諸裘村戰諸朱家店戰諸戴畧兵數十合斬級
以千計積屍成丘溪澗爲赤全軍凱還懽聲雷動
蓋自用兵以來未有若斯之捷之奇也衆趨轅門
問故公曰不聞先人者奪人之心耶驚擊匿形虎

搏跼足避銳擊情佯敗爲功載諸兵志具有前徵
夫知進之爲進而不知退之爲進以歲用也知取
之爲取而不知棄之爲取以俟機也兵忌小勝而
驕將惡聞變則憚諸軍識之范子聞之曰嗟乎茲
豈淺鮮已邪士平居抵掌談兵氣意勃勃即繫單
于勒燕然謂持箒可立致鄙薄程李諸人以爲無
所建樹貽後代羞迨其呈身嬰變倉皇躑躅靡効
尺寸因而墮名墮行者不貽也士誠何貴焉虛聲
哉印東公起家漳南明習兵法鎮躁於靜歛才於
愚觀變制勝神赴節會莅不旬日而効勩策勲已

章章若斯俾寄以節鉞要之歲時當更有表見故
曰非淺鮮已今且得代當行予不能不爲吾人慮
也雖然強弱異形避就異勢浙兵素孱怯於野戰
倭奴徃徃蔑視無忌今若茲吾兵乘勝鼓憤目中
已無倭奴倭奴亦且懲戒不敢內犯風聲四達天
日爲開他時南遡閩廣北極淮楚海宇康謐元元
樂業將不藉此爲權輿邪會郡守曾侯暨諸僚屬
以贈言予非知言者而實知公遂書以爲贈并以
爲吾人慶

贈少保梅林胡公序

少保梅林胡公節制浙直諸方戎務歷有歲年
名隆奕嘉靖辛酉九月廿七日公壽五十於是總
戎盧君過而言曰鏜視事以來荷公寵靈弘且久
矣子亦受知於公其思所以爲壽乎某曰夫壽何
爲者也盧君曰吾聞上壽壽國其次壽民其次壽
身公合是三者壽可得而量乎夫天下猶居室然
內爲堂與外爲門戶又其外爲藩籬
太祖定鼎金陵根本重地

成祖更營北平南制萬里之外則又藉爲上游浙直
蓋不啻堂戶謀國之士所爲日夜嬰心者也自倭

奴發難侵掠境上禍累相尋民不堪命遂至烽燧
徹於白下羽書馳於

大內患始亟矣

皇上寤寐才賢至厯宵旰積八九年未有寢然當心
者惟時公以御史監督諸軍務勞績最著迺晉爲
中丞功累上累至今秩由今觀之握奇制勝神識
鷹揚則尚父之畧紀律嚴整首尾觸應則小白之
節叅互形勢城守固怯則仲山父之動出車建旄
中懷殷憂則南仲之慮慎重薄伐窮黷是戒則尹
吉甫之程經營告成四方底定則召虎之勩用能

市肆不易京觀突兀南起甌閩北盡淮楚延袤數
千餘里倭夷屏遁由是舟航爲我馬風鶴草木爲
我師大海爲我池長江爲我塹海島諸夷爲我外
屏二京並峙嚴若九天完若金甌

社稷尊安

九廟休享

主上端握貞符吐納太和以至於億萬斯年蓋有篤
棐之助焉故曰上壽壽國書曰天壽平格保乂有
殷言壽國也由是環視闔境瘡痍者起勞瘁者息
凍餒者衣食瘠曠者室家流離者還定吏程於公

士厲於學農力於耕商賈通於貨賄工精於藝老
有養壯有業幼有畜鰥寡孤獨有恤鋒鏑銷亡天
札不罹康樂熙熙以全天年庶幾葛天無懷之世
鼓腹擊壤之遺也蓋有救寧之益焉故曰其次壽
民詩曰樂只君子民之父母言壽民也由是戎機
休暇輕裘博帶其神完粹其精凝固其氣冲和其
膚理瑩澤其步趨捷吐納不必師於黃玄牝不必
宗於老服食不必倣於劉鉛汞不必按於陰脾睨
乾坤玩弄日月橐籥我持後天不凋而又頌聲四
起第社荐增蓋有百順之貽焉故曰其次壽身詩

曰豈第君子福祿攸降言壽身也觀此公之壽其
可量乎其於是拜手曰三壽作朋在公誠然締而
思之母乃睹其外未探其內乎內者何也心也心
者貫天人合微顯而一焉者也吾觀公忠耿天植
表見中外爲縣令則子良而貞爲御史則方嚴而
靖爲卿丞則博大而亮官高而愈謙勲崇而愈惕
期在鞠躬盡力以答

上知故寵榮不爲炫震撼不爲怵俗勞不爲淆浮議
不爲繼筮仕以來蓋三十年矣此則公之所以自
壽其心也詩曰豈第君子求福不回非此之謂乎

則夫神慮精疆上下蒙成慶祚延於孫子名稱施於後世夫豈偶然之故哉公之壽也誠難量矣於是盧君曰鏜於今乃知公之壽壽諸心也遂持其言以爲公獻

贈梅林胡公節制江西軍務序

江西在海內以晏謚稱間者寇盜蜂起吉贛建撫諸郡橫羅鈔掠至殺虜憲臣患至鉅矣事聞

皇上震怒將領以下罷逮有差思得無資文武者以節制戎務顧難其人會少保梅林胡公雅受

上眷知方視浙直諸師翦平倭寇遂畀璽書俾得無

制便宜從事焉。范子聞之，翼然喜曰：「彌亂有本，江西之寇當不足平矣。」夫天下非寇盜之患而不握權之難，權握矣，病在於望之不隆，乃其望屹然起也。猶慮於不蒙主知，以吾觀於胡公，其殆進於是乎？夫江西固東南之奧區也，地連閩廣，崇山複嶺，蜿蜒二三千里，徭民窟宅其中，四出剽掠，而江西民故熾，膏競什一之利，轉相勾引，吉贛諸郡首撓其鋒，所從來久遠矣。惟時金公澤、陳公金、周公南皆得專制，相繼驅除，其後王公守仁、武烈最著，當其時，帑金以四十萬計，諸聽便宜用能成功者，韓

公雍之於廣張公措之於閩裨益亦弘然皆未聞
汛掃無遺非惟力有所未逮也以爲彼能懾威革
面稍供公家之賦即羈縻之緩急亦爲我用斯已
矣乃今所睹可異焉虔南帑儲數不滿百而閩廣
江西各有專撫偶一舉措輒苦牽掣徃民間之遂
生玩心當事者猶以招撫爲先彼益無忌且掠而
要撫猶之嬰兒索果而啼小啼則小界大啼則大
界界有盡而彼之索無已時不如因而撻之待其
警畏間一界之彼當逡逡懷感不暇矣故主剿於
懾威之日者非也主撫於習玩之後者亦非也某

嘗憤憤與士大夫論之曰夫今日笑大何謂廣
之饒平張璉本一齊民倡亂脅衆至執縣官殺兵
衆肆掠於漳之諸邑漳南業議與嶺東夾攻整兵
以待彼主者怒不肯應今遂破鎮海殺叅將矣閩
中單弱勢不能敵而且寇賊四發倭奴窺覘海壩
一也通番諸徒所稱哪噠者結聚殺掠二也募兵
解去行掠三也沙尤諸縣遺孽景附四也賴兵今
又在告矣夫以廣不能制而入閩閩又不能制而
入江西如之何其不倡熾也督撫諸司亦且柰何
其爲計不過撫則專守建昌督則無厲汀潮而已

何者以他非所隸且權有專執也夫閩廣視江西
爲走集江西視閩廣爲窟穴不擣其心腹而欲衛
諸手足難矣故曰彌亂有本也竊聞之琴瑟不調
則更絃攪馬不習則易駕

主上命公節制畧以便宜之權三省撫臣將拱手受
成欲食則食欲兵則兵欲戰則戰欲攻則攻投之
所向靡不如意牽掣將何從生衛青虎視於塞外
裴度席卷於淮西者此也風聲所至賊先破膽狼
顧豕駭營救不暇脅從者散投附者遁且自相擒
殺以贖前罪蓋士馬不煩甲兵不煩而圖陞寧謐

孔明所以擒孟獲子儀所以服回紇者此也

主上神智先物委寄心膂魚水之投千載一時媚嫉
不能間異議不能奪得以終始展布弘濟艱難樂
毅之於燕昭郭進之於祖暉乎其後矣夫大阿天
下之利器也倒持其柄孱夫得而制之虎豹在山
藜藿不採皮而冒諸羊質欲懾人能乎天下事未
有無因而濟者也夜光猝至孰不按劍而況於君
臣之際乎以公所遭觀之江西之寇真不足平矣
金王諸公亦豈能專美於前乎某嘗承乏其地有
并州之念用是爲喜鴻臚張子用者某之姻也受

知於公謁言爲賀嗟乎耕則問奴織則問婢此無他習故也公其以耕織視其哉

送新洲叔叅軍福寧序

予新洲叔既拜福寧衛叅軍之命濱行問政於邑中諸賢廼見右史章子章子曰茲非甌越之故乎吾聞之土沃則鄙地僻則囂物叢則陵俗安則靡故操之則急弛之則玩不共令其習使然而在南徼爲甚夫運斤而剗者以察理也稱物而平者以準施也量土而劑者以廣務也見侍御陳子陳子曰戎之道與時推移皇之兵熙王之兵戢伯之兵

吁後世之兵嬉非兵之罪也玄風宜洩紛攘斯興
氣清而滴志溢而驚忿激而志才競而巧力張而
攬故結繩不可以代鞭笞甲鍔不可以加章甫何
者時與不時也君子不能忤時亦不能徇時酌諸
此而已見太史金子金子曰文者武之經也士者
帥之輿也名者法之函也禮者兵之符也以禮馭
兵則不懾以名出法則不盪以士拊帥則不佻以
文廣武則不偷四者兵之紀先王遴簡士髦以監
武弁將使行誼儒雅朝夕浸淫以祛其鄙野而消
其背上亡長之心故叅軍也者非以自牧所以牧

衆也范某聞之曰穆哉休乎君子廣謀以出慮擇
方而潤政右史之言該侍御之言核太史之言邃
法其該俗可得而平矣效其核世可得而尚矣法
其邃政可得而樹矣幹之以淳素練之以強毅出
之以謙遜成之以悠遠雖達諸三軍可也吾叔往
哉拊循幕下有如昔時超距挾纊者乎
主上將問罪南交曰吾茲僇力矣

天一閣集卷之十八